

金樓子

卷



金

樓

子

金樓子序

先生曰余於天下爲不賤焉竊念臧文仲旣歿其立言於世曹子桓云立德著書可以不朽杜元凱言德者非所企及立言或可庶幾故戶牖懸刀筆而有述作之志矣常笑淮南之假手每嗤不韋之託人由是年在志學躬自披纂以爲一家之言與以凡庸卑賤茅社祚土滯湘寒惟陝服早拙神州晚居外相文案盈前書帙未輟俾夜作晝勤亦至矣其間屢事元言亟登講肆外陳玉鉉之文內宏金疊之興從乎華陰之市廢乎昌言之說其事一也六戒多務千乘糾紛夕望湯池觀仰月之勢朝瞻美氣眺非烟之色普於筆削其事二也復有西園秋月岸幘舉杯左海春朝連章摘翰雖有欣乎寸錦而久棄於尺璧其事三也而體多羸病心氣頻動臥治終日睢陽得善政之聲足不跨鞍

聊城有卻兵之術吾不解一也常貴無爲每嗤有待閒齋寂寞
對林泉而握談柄虛宇遼曠玩魚鳥而拂叢著愛靜之心彰乎
此矣而候騎交馳仍麾白羽之扇兵車未息還控蒼兕之軍此
吾不解二也有三廢學二不解而著書不息何哉若非隱淪之
愚谷是謂高陽之狂生者也竊重管夷吾之雅談諸葛孔明之
宏論足以言人世足以陳政術竊慕老生有言知我者希
則我者貴矣有是哉有是哉裴幾原劉嗣芳蕭光侯張簡憲余之
知己也伯牙之琴嗟綠綺之長廢巨卿之驥驅白馬其安歸昔
爲俎豆之人今成介冑之士智小謀大功名其安在哉蓋以金
樓子爲文也氣不遂文文常使氣材不值運必欲師心霞開得
語莫非撫臆松石能言必解其趣風雲元感儻獲見知今纂開
闢已來至乎耳目所接卽以先生爲號名曰金樓子蓋士安之

元晏稚川之抱朴者焉

興王

箴戒

后妃

終制

戒子

聚書

二南五霸

說蕃

立言上

立言下

著書

捷對

志怪

雜記上

雜記下

自序

至正三年癸未歲春二月望日葉森書於西湖書院大學明新齋

重編金樓子篇目

第一卷

興王篇一

箴戒篇二

第二卷

后妃篇三

終制篇四

戒子篇五

聚書篇六

二南五霸篇七

第三卷

說蕃篇八

第四卷

立言篇九上

立言篇九下

第五卷

著書篇十

捷對篇十一

志怪篇十二

第六卷

雜記篇十三上

雜記篇十三下

自序篇十四

金樓子篇目

金樓子卷第一

梁孝元皇帝撰

興王篇一

粵若稽古天皇氏地皇氏人皇氏分有十紀一曰九頭二曰五

龍三曰括提案春秋元命包作攝四曰合雒案博雅五曰連通

六曰序命七曰脩飛案春秋元命八曰因穆案春秋元九曰禪

通十曰疏訖案春秋元容成氏大庭氏柏皇氏中央氏栗陸氏

驪連氏赫蘇氏宗盧氏祝和氏渾沌氏吳英氏有巢氏朱襄氏

葛天氏陰康氏無懷氏

太昊帝庖犧氏風姓也母曰華胥燧人之世有大跡出雷澤華

胥履之生庖犧蛇身人首有聖德燧人氏沒庖犧氏代之繼天

而王首案首原本作者今德於本為百王之先都陳至于其工

霸而不王

炎帝神農氏姜姓也母曰女登爲少典妃遊華陽有神龍感女登生炎帝人身牛首有聖德以火承木都陳遷魯嘉禾生醴泉出在位百二十年

黃帝有熊氏號軒轅亦曰帝鴻少典之子姬姓也又姓公孫少典娶有蟜女附寶見大電光繞北斗樞星照郊野附寶孕二十月生黃帝龍顏有聖德生而神靈弱而能言幼而循

案史記作
徇索隱曰

一作
濬

齊長而敦敏成而聰明受國於有熊居軒轅之丘迺與炎

帝戰於阪泉之野三戰然後得行其志屈軼草生庭倭人入則指之又有景星麟鳳之瑞乃以風后配上台天老配中台五聖配下台謂之三公置左右大監以治人得寶鼎興封禪帝坐於元扈之上太一來下有天螭如羊帝曰土氣勝故以土德王在

位一百年有四妃生二十五子

少昊金天氏一號窮桑一曰白帝朱宣帝黃帝之子姬姓母曰

女節黃帝時有大星如虹下流華渚意感生少昊於窮桑是為

元囂姓姬氏或云已氏降居江水以登帝位以金承土都曲阜

有鳳鳥之瑞以鳥紀官鳳鳥氏為司歷正元鳥氏為司分伯

趙氏為司至青鳥氏為司開丹鳥氏為司閉祝鳩氏為司徒睢

案左傳鳩氏為司空案左傳鳩氏為司馬也此疑有脫誤爽鳩氏為司寇

鷦鷯氏為司事五雉為五工正九扈為九農正天下大治焉

帝顓頊高陽氏黃帝之孫昌意之子母曰女樞金天氏之末瑞

光之星贊曰如虹感女樞於幽房之宮案別卷右脅有九色毛

生顓頊以水承金始都窮桑徙商丘

帝嚳高辛氏少昊之孫蟠極之子生而神靈自言其名曰案原本脫

曰字今依帝王世紀校補交齒齒以木承火都毫在位十年元妃有邵氏女

曰姜嫄生后稷次妃有娥氏女曰簡翟案世本生契次陳酆案大

戴禮記作陳隆○又案此今戴記氏女曰慶都生堯次陬訾案大

本誤字生民檀弓疏引大戴作錄氏女曰慶都生堯次陬訾案大

戴禮記陬作姬氏女曰常儀生子摯摯立不善乃立堯

帝堯字放勳一名同成育陶唐氏帝嚳之子伊祁姓也母曰慶

都為嚳妃出觀河渚遇赤龍而孕寄伊長孺家產甲申歲而生

堯丹陵也堯眉八采曰角方曰足有元武之字手有三河之文

豐下銳上就之如日望之如雲黃收案收原本訛作牧純衣彤

車白馬冬則鹿裘夏則絺葛采椽不斷土階三等克明俊德以

親九族九族既睦平章百姓百姓昭明協和萬邦焦僥氏來獻

沒羽常年之人得神獸若羊名曰獬豸堯乃緝其皮以為帳分

命羲仲羲叔和仲和叔日中星鳥以殷仲春日永星火以定仲

夏宵中星虛以正仲秋日短星昴以正仲冬時許耳之子名曰

由字道開一字武仲武黃白色長八尺九寸兄弟七人十九

而隱堯欲禪之由乃洗耳是後景星曜於天甘露降於地朱草

生於囿鳳凰止於庭有薏苡案說文薏苡作薏苡述異記薏苡作薏苡薏苡

之瑞都於平陽命義仲義叔和仲和叔掌四方在位四十一年

洪水滔天懷山襄陵四岳舉鯀治水九年績庸不成五十年乃

更咨四岳得舜乃在濬璣玉衡以齊七政類於上帝禋於六宗

望於山川辨案古字辨升羣瑞案瑞作神堯崩乃葬濟陰城陽廟居

齊郡有柏樹死而更生焉舜攝政二十八年堯乃殂三年禮畢

舜避丹朱於南河諸侯朝覲訟獄者不之丹朱而之舜舜曰乃

天命也初堯教丹朱禁以文桑爲局犀象爲子

帝舜有虞氏龍顏大口圓天日角出額重鼻足履龜文目重瞳

子身長九尺一寸常夢擊天鼓母曰握登早終瞽叟更娶生象

象傲瞽叟頑後母嚚咸欲殺舜使舜入井舜鑿井傍行二十里

以孝聞三十而帝堯問可用者四岳咸舉舜堯於是降以女娥

皇女瑩

案列女傳作英

配之妻舜以觀其內使九男與處以觀其外二

女不敢以貴驕事舜親戚甚有婦道堯九男皆益篤舜耕於歷

山歷山之人皆讓畔耕地得金枝銀節漁於雷澤雷澤上人皆

讓居陶於河濱河濱器皆不苦窳一年而所居成聚二年成邑

三年成都堯乃試舜五典百官皆治布五教於四方堯乃老使

舜攝行天子政巡狩得舉用事卿雲出景星見西王母使使乘

白鹿駕羽車建紫旗來獻白環之玦益地之圖乘黃之駟綏耳

貫胸之民來獻珠蝦既陟帝位以土承火都平陽命禹爲司空

棄爲后稷契爲司徒咎繇爲士垂爲共工益爲朕虞伯夷爲秩

宗夔爲典樂龍爲納言庶績咸熙羣瑞畢集簫韶九成鳳凰來
儀擊石拊石百獸率舞生子商均不肖舜復禪禹入九疑山置
銅劍一枚化爲礫今濟南歷城有祠太陽山有虞氏三石闕也
禹卽位後十五年舜乃殂禹讓商均避之陽城天下不歸商均
而之禹初商均一名章鷁

帝禹夏后氏名曰文命字高密母修己山行見流星貫昴意感

又吞神珠薏苡胸坼而生禹於石紐夜有神光長於隴西大夏

縣龍角珠庭虎鼻大口兩耳參鏤

案淮南子作漏別卷又作儻

首戴鈎鈐身

長九尺九寸胸有黑子如玉斗焉手長至膝脰無毛左手中十

七黑子爲人敏給克勤其德不違其言可信聲爲律身爲度乃

遂與益后稷奉帝令諸侯百姓

案史記作奉帝命命諸侯百姓

傷先人父繇之

功不成受誅乃勞身焦思過門不入而洪水平既陟元后以金

承土都平陽或營安邑薄衣食而致孝於鬼神卑宮室而致美於黻冕陸行乘車水行乘舟泥行乘橇山行乘櫓神鹿出於河水天錫元圭乾吾國獻裘毛有五采復薦咎繇於天將以致禪會咎繇終復薦益禹殂葬會稽廟中有鐵屨鐵莢石船廟裏有塗山神姑之像珠璣爲帳寶玉瑤華諸廟莫及當中山水之盛良辰吉日羅綺袿服滿橋梁之上皆金翠爲飾神又甚靈彼人所敬初禹娶塗山氏之女生啓三年喪畢益避啓人不歸益而歸啓一名建一名余母化而爲石啓卽位伐有扈氏啓庶兄也夏禹氏絕少康出於竇之中復禹跡也成湯姓子名履字天乙狼星之精感黑龍而生高天廣角隆準手有縱理如印綬之文豐下兌上哲而有鬚長九尺四寸八肘凡有七號一名姓生二云履長三云脣肚四云天成五云天乙

六云地甲七云成湯成湯始居亳從先王居作商誥湯征諸侯
葛伯不祀湯始伐之湯曰汝不能敬命予大伐殛之無有攸赦
作湯征伊尹號阿衡阿衡欲干湯而無由乃爲莘氏媵臣負
鼎俎以滋味說湯致於王道湯謂之曰自進非道也乃令還其
本居使人聘迎之五反然後從之任以國政白狼銜劍有神人
身虎首獻玉鏡白狐九尾諸國貢玉盤人自北門遇女房作女
房之歌案書序作遇女鳩女房林樹久不花一旦生如鳳翼湯出見野張
網四面祝曰自上下四方皆入吾網湯曰噫盡之矣乃去其三
面祝之曰欲左左欲右右不用命乃入吾網諸侯聞之曰湯德
至矣及於禽獸當是時夏桀爲虐政淫荒而諸侯昆吾氏爲亂
湯乃興師率諸侯伐桀敗於有娥氏之墟犇於鳴條之野乃改
正朔服色朝諸侯崩葬於濟陰亳縣東北郭去縣三里冢高七